



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH broj 2/10), Skupština Brčko distrikta BiH na 57. redovnoj sjednici održanoj 18. decembra 2019. godine, usvaja

ZAKON
O IZMJENAMA I DOPUNAMA ZAKONA O TREZORU BRČKO DISTRIKTA BOSNE I
HERCEGOVINE

Član 1

U Zakonu o Trezoru Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 52/18 i 3/19) u članu 2 tačke a), b), c), f) i g) mijenjaju se i glase:

- „a) budžet - je akt definisan članom 2 Zakona o budžetu Brčko distrikta Bosne i Hercegovine (u daljnjem tekstu: Zakon o budžetu);
- b) budžetski korisnik - je korisnik definisan članom 2 Zakona o budžetu;
- c) interna kontrola - je kontrola definisana članom 2 Zakona o budžetu;
- f) javni prihod - je prihod definisan članom 2 Zakona o budžetu;
- g) modifikovano načelo nastanka događaja - je načelo propisano članom 99 Zakona o budžetu;”.

Iza tačke k) dodaju se nove tačke l) i m) koje glase:

- „l) operativni plan budžetskog korisnika (u daljnjem tekstu: operativni plan) - je plan definisan Zakonom o budžetu;
- m) dokument okvirnog budžeta (u daljnjem tekstu: DOB) - je akt definisan članom 2 Zakona o budžetu.“

Član 2

U članu 5 tački e) riječi: „finansijskih planova“ zamjenjuju se riječima: „operativnih planova“.

Tačke g), j) i l) mijenjaju se i glase:

- „g) Izrada budžeta;
- j) Kontrola izvršenja budžeta;
- l) Zaduživanje i upravljanje javnim dugom u skladu s članovima 94 i 95 Zakona o budžetu;”.

Iza tačke l) dodaju se nove tačke m) i n) koje glase:

- „m) Srednjoročne makroekonomske projekcije i fiskalna politika u skladu s članom 36 Zakona o budžetu;
- n) Program javnih investicija u skladu s članovima 51 i 52 Zakona o budžetu.”

Član 3

U nazivu člana 7 riječ: „Planiranje” zamjenjuje se riječju: „Izrada”.

Stav 1 mijenja se i glasi:

„Trezor je odgovoran za izradu budžeta u skladu sa Zakonom o budžetu.“

U stavu 2 riječ: „pravila” zamjenjuje se riječju: „instrukcije”.

U stavu 2 riječ: „svoj” zamjenjuje se riječima: „DOB i”.

Stav 3 mijenja se i glasi:

„(3) Instrukcije iz stava 2 ovog člana sadrže:

- a) Instrukciju I čiji je sadržaj propisan članom 38 Zakona o budžetu;

b) Instrukciju II čiji je sadržaj propisan članom 41 Zakona o budžetu.”

Član 4

U članu 8 stavovi 1 i 2 se mijenjaju i glase:

„(1) Budžetski korisnik dostavlja prijedlog operativnog plana u skladu s članom 83 Zakona o budžetu.

(2) Rashodi i izdaci budžetskog korisnika utvrđuju se u skladu s članom 84 Zakona o budžetu.”

Stav 3 se briše.

Stav 4 postaje stav 3.

Član 5

Član 10 mijenja se i glasi:

„(1) Na osnovu podataka iz člana 9 ovog zakona Trezor priprema godišnje i kvartalne planove gotovinskih tokova iskazane po mjesecima za izvršenje budžeta.

(2) Planovima gotovinskih tokova utvrđuju se iznosi sredstava do kojih će se odobriti operativni plan iz člana 8 ovog zakona.

(3) Direktor Trezora obavještava direktora Direkcije za finansije o potrebi preduzimanja mjera za održavanje likvidnosti, ukoliko se na osnovu analize novčanih tokova, odnosno realizacije rashoda i prihoda tokom jednog kvartala ustanovi da postoji opasnost nastanka nelikvidnosti budžeta.“

Član 6

U članu 11 stavu 1 riječi: „odobrenih finansijskih planova” zamjenjuju se riječima: „odobrenog operativnog plana”.

Član 7

U članu 12 stavu 1 tački b) riječi: „finansijskim planom” zamjenjuju se riječima: „operativnim planom”.

Član 8

U članu 14 stavu 1 riječi: „standardnu budžetsku klasifikaciju koji se koriste” zamjenjuju se riječima: „budžetsku klasifikaciju propisanu članom 29 Zakona o budžetu koja se koristi”.

Stav 2 mijenja se i glasi:

„(2) Kontni plan za budžet sadrži klasifikaciju aktive i pasive, prihoda i rashoda.”

Član 9

U članu 15 stav 1 mijenja se i glasi:

„(1) Trezor je dužan izraditi finansijske izvještaje u skladu s pravilnikom iz člana 100 Zakona o budžetu.”

U članu 15 stavu 2 riječ: „izdavanje“ zamjenjuje se riječju: „izrada“.

Stav 3 mijenja se i glasi:

„(3) Trezor izrađuje kvartalne izvještaje o izvršenju budžeta, godišnji izvještaj o izvršenju budžeta, kao i godišnji finansijski izvještaj.”

Član 10

Naziv člana i član 16 mijenjaju se i glase:

„Član 16

(Kontrola izvršenja budžeta)

Trezor je odgovoran za potvrdu raspoloživosti sredstava za sve rashode i izdatke, kao i za kontrolu ispravnosti i kompletnosti dokumentacije koja prati izvršenje rashoda i izdataka svih budžetskih korisnika.“

Član 11

U članu 21 stav 3 mijenja se i glasi:

„Trezor je ovlašten da uspostavi i vodi Glavnu knjigu Trezora i neophodne pomoćne knjige prema modificovanom načelu nastanka događaja u skladu sa Zakonom o budžetu i Zakonom o računovodstvu i reviziji u Brčko distriktu Bosne i Hercegovine.”

Član 12

Član 30 mijenja se i glasi:

„Investiranje neangažovanih novčanih sredstava vrši se u skladu s članom 92 Zakona o budžetu.”

Član 13

U članu 33 stavu 1 tačke a), b), c), d) i f) se brišu.

U tački k) riječi: „kvartalnih finansijskih planova (član 8 stav 4)“ zamjenjuju se riječima: „operativnih planova (član 8 stav 3)”.

Dosadašnje tačke e), g), h), i), j), k) i l) postaju tačke a), b), c), d), e), f) i g).

Član 14

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine, a primjenjivat će se od 1. 1. 2020. godine.

Broj: 01-02-766/19

Brčko, 18. 12. 2019. godine

PREDSJEDNIK
SKUPŠTINE BRČKO DISTRIKTA BiH

Esed Kadrić